

嘉慶寧國府志

寧國府志卷二十六

人物志

名臣

宣城

漢呂蓋

字君玉宛陵人永元九年十一月罷據後漢書和帝本紀增

宋梅詢

字昌言五代時祖掾宣城同家焉端拱己丑進士及第

於崇政殿眞宗過殿廡奇其占對詳敏召試中書除集賢院
賜緋衣銀魚時契丹數寇河北李繼遷攻靈州急詢上書議
以朔方授潘羅支使自圖取問誰可使詢請行上不欲使蹈
兵間詢對曰苟可活靈州罷西兵詢一人足借耶上壯而使
之未至靈州沒還爲三司戶部判官屢陳西北事請大臣臨
邊督戰募遊士擊賊又論曹瑋馬知節才可會河西北平河
北兵亦解詢遂見疎不用坐斷田訟失寔降判杭州徙知蘇
州就徙兩浙轉運副使判三司開折司坐議天書出知濠州

爲湖北轉運使時諸州秋旱疏請賑饑民以假驛馬降判襄
州知鄂州徙蘇州爲陝西轉運使時靈州棄久詢與秦州大
將曹瑋尋得葫蘆河一路可趨靈州因疏請移瑋環慶以圖
討賊復貶懷州團練副使又以善寇準徙池州知廣德軍歷
楚壽陝州復直集賢院遷工部郎奏乞罷珠玉匠勅從之改
直昭文館知荆南擢龍圖閣待制糾察在京刑獄歷龍圖閣
樞密直學士知通進銀臺司判流內銓進劄子論帝王爲學
之本改翰林侍讀學士兼羣牧使累遷給事中知審官院仁
宗御邇英閣讀正說養民篇覽歷代戶口登耗顧謂侍臣今
天下民籍幾何詢對曰先帝所作益述先代帝王恭儉有節
則戶口充美賦歛無藝則版圖衰減作鑒後王五代生齒凋
耗賴祖宗休養天下戶口蓋倍於前矣因詔三司及編修院
檢閱以聞病足出知許州卒詢好學有才辨少能慷慨見奇
自以蒙遇主知雅意經世初真宗嘗欲命知制誥李沆言其
望輕不可用蓋靈州之役詢嘗與沆異指論者以靈武藩扞
中國西酋所必爭沆賢相不當議棄靈州詢在許昌繼遷孫
復以河西叛朝廷出師邊陲而詢已老不復言兵西亦無息
肩之日矣著有集二十卷王安國序歐陽修志其墓子五鼎
臣舉進士歷翰林學士飛白書墨莊二字賜之曰美卿世居
文翰之地也寶臣領鄉薦先卒得臣殿中丞輔臣衛尉寺丞

清臣歷司門郎中
宋史本傳

魏良臣

字道弼，溧水人。徙居宣威。宣和辛丑，登進士。調丹徒尉。徽宗南巡，良臣疏請還闕，不報。移壽昌令，召對。擢

吏部員外郎。金人犯淮，高宗以良臣可屬大事，命行成會邊臣，驟襲金軍。兀術怒曰：「使者以盟，我良臣對曰：始朝廷議定，乃遣其後，恐易相臣。」或邊將覬功，願早定計，報天子不則死。無恨。金人遣歸，如約出。知漳州，未赴。歷遷左右司檢正。權吏部侍郎。後復使金，兀術頗有意悔盟。良臣請觀國書，曰：「分淮畫守，初議也。今欲界長江，非所敢知。」執論久之，得竟從初議。秦檜有忌之，出知池鹽二府。檜死，召拜參知政事。首請出衣冠之囚歸，蠲瘴之寃，遂特起淹抑。詔追無虛日。時軍政浸弛，於是核軍實，禁工役，罷賈觀聽，一新然。羣邪側目，竟以資政殿學士出。知紹興府，尋詔錄宮祠，自便起。知宣州，歷潭洪二州。卒。良臣倜儻幹厲，志當世，居大位不久，舉錯可觀。贈左光祿大夫，諡敏肅。子伯友，仲恭，叔介，皆貴。乾隆府志：吳淵，字道夫，柔勝，仲子。幼端重，力學。五歲喪母，哀慕如成人。登嘉定七年進士，調建德簿，承相史彌遠與語，謂淵國器，欲授開化尉。淵嘗親在當稟命，彌遠聞之，改容不復強。尋就辟，令江東九郡之寃訟於諸使者，皆乞送淵改差浙東制。

置司幹辦公事居外艱詔以前職起復力辭且貽書政府曰人道莫大於事親事親莫大於送死苟冒哀求榮則平生大節已掃地矣他日何以事君時史嵩之方起復或曰得無碍時宰乎淵弗顧較許之服闋差浙東提舉幹辦公事歷直煥章閣知平江府兼節制許浦水軍提點浙西刑獄會衢嚴盜起警報至調遣將士招捕之以功累進右文殿修撰兼右司檢正適政府欲用兵中原以據關守河爲說淵謂國家力未能取卽取之亦不能守丞相鄭清之不悅出知江州未幾邊事一如淵言清之致書遙謝差知鎮江定防江軍亂兼淮東總領以功遷大府少卿歷權工兵戶部侍郎再以總領兼知鎮江入對陳九事御史唐璘擊之遂仍前職提舉太平興國宮久之加寶章閣待制復起知鎮江兼總領歷寶章閣直學士知太平兼江東轉運使兩淮流民入境者四十餘萬淵亟撫而濟之便令土著境內肅然加華文閣直學士工部尚書歷沿江制置副使兼提舉南康軍節制斬黃安慶屯田使湖南峒寇蔓入江右袁洪大震淵命將討平遷兵部尚書知平江兼浙西兩淮發運使淵前知隆興鎮江及今平江歲並大嚴淵全括者百八十餘萬人歷進端明殿學士沿江制置江東安撫使知建康兼行宮留守節制和州無爲安慶屯田使朝廷付淵以先豐斬黃之事凡似司空山燕家山金剛亭三

大嵒嵒峨山鷹山什子山等二十二小嵒分列隊伍星聯棋
布詔以淵所列二十五事究心軍民拜資政殿大學士恩例
封金陵侯賜衰細堂忠勤樓大字進爵爲公歷觀文殿學士
兼總領湖廣江西財賦湖北京西軍馬錢糧調兵二萬往援
川蜀其後力戰於白河沮河玉泉以功拜叅知政事越七日
卒贈少師諡莊敏贈銀絹五百計淵有村畧尙氣節所至興
學養士然政尙嚴酷故時有蜈蚣之謠著
有易解及退菴文集奏議 宋史本傳

吳潛字毅夫柔勝季子登嘉定十年進士第一授承事郎簽
議之由願陛下齋戒修省恐懼對越必使國人孚信毋徒減
膳撤樂而已閹宦女寵願勿親昵明詔二三大臣力改弦轍
收召賢哲屏斥貪衰庶幾天意可回天災可息又言重地要
區當預蓄人才以備患貽書丞相史彌遠論格君心節奉給
恤都民用老成選良將革吏弊六事歷太常少卿淮西總領
又白政府金人既滅與北爲鄰當以和爲形以守爲實以戰
爲應今內地茶毒不宜輕啟兵端其後淮師敗亡皆如潛言
遷太府卿兼權沿江制置知建康府江東安撫留守疏論保
蜀襄防江海進取有甚難者三事端平初詔求直言潛陳願
天命植國本爲人偷正學術畜人才恤民力邊事當鑒前轍

楮幣當權新制盜賊當探禍端而圖長策九事件時相奉祠
改秘閣修撰太常少卿奏造斛斗輸諸郡租寬恤人戶培植
根本凡十五事知太平言和戰成敗大計宜急救襄陽京西
既失當招收京淮精兵以保江西權工部侍郎知江州辭不
赴請養宗子以繫國本鎮人心改權兵部侍郎兼檢正上言
襄漢潰決與汚破亡兩淮俟援三川陷沒望陛下念大業將
傾士習已壞警於有位各勵至公則危者尚可安而衰證尚
可起也試工部侍郎知慶元府兼沿海制置使改知平江條
具財用周徹本末以寬郡民與轉運使王堃爭論利害歷試
戶部侍郎淮東總領知鎮江府言邊儲防禦等十五事權兵
部尚書浙西制置使申論防拓江海團結措置等事進工部
尚書改吏部尚書知臨安府再乞選近族俟太子之生帝嘉
納兼侍讀經筵歷簽書樞密院事封金陵郡侯以早乞免召
兼參知政事入對言國家今日之病不但倉扁望之而驚即
庸醫亦望而驚矣願爲任元老以爲醫師博采衆益以爲醫
工使臣輩得効牛溲馬勃之助淳祐十一年入爲參知政事
拜右丞相兼樞密使明年以災災罷又四年授沿海制置大
使用慶元府條具軍民久遠計又積錢百四十萬有奇代
民輸帛前後兩通稅五百四十九萬有奇巧祠封崇國公判
寧國府以體泉觀使兼侍讀召入對論畏天命結人心進賢

才通下情進左丞相改封許國公元兵渡江攻鄂州別將出
大理下交趾破廣西湖南諸郡潛奏今鄂渚被兵湖南擾動
良由姦愴虛議迷國誤軍臣年將七十拍軀致命所不敢辭
所深痛者臣交任之日上流之兵已踰黃漢廣右之兵已陷
賓榔謂臣壞天下事亦可哀已又論近年公道晦鍾忠嘉絕
響天怒人怨而陛下不察積為宗社之憂因劾章鑒高鑄丁
大全沈安等不報屬將立度宗為太子潛密奏云臣無弼遠
之才忠王無陛下之福帝怒潛卒以交論劾落職命下中書
舍人洪芹繳還詞頭不報責授化州團練使循州安置潛預
卜死目語人曰吾將逝矣夜必雷風大作已而果然四鼓聞
霽撰遺表作詩頌端坐而逝循人聞之香嗟悲痛德祐初追
復原官贈少師史稱潛忠亮剛直建儲之議必以正對人臣
慎顧望為子孫地者安能為斯言哉才長於奏對凡
三百餘疏載八世孫宗周所為年譜中宋史本傳

元貢師泰

字泰甫奎季子蚤肄業國子學為諸生泰定四年擢
第歷應奉翰林文字丁內艱服闋除紹興路推官山

陰白洋港有大船飄近岸史甲二十人適取鹵海濱見其無
主因取其篙櫂船中有二死人有徐乙者怪其無物而有死
人稱為史等所劫史備富民高兩家事遂連高史既誣服高
亦就逮師泰密詢之則里中沈丁載物抵抗而回漁者張綱

海中因盜網中魚爲漁者所殺其寃始自游徼徐裕以巡鹽
爲名肆暴村落間一日遇諸暨商奪其所齎錢撲殺之投屍
於水稱私鹽犯畏罪自溺告縣官檢覈有傷以疑獄釋師泰
覆按之具得裕殺人狀餘姚孫國賓獲姚甲造僞鈔受賕釋
之執高乙尊而赴所司誣以同造高但爲姚行用實非自造
孫旣舍姚因加罪於高魯與孫有隙故連及師泰詰之辭屈
而情見卽釋魯坐高以本罪姚論死孫亦就法其詳獻之明
多頌此秩滿復入翰林爲應奉預修后妃功臣列傳歷翰林
待制國子司業拜監察御史元制臺省之職斥南人不用南
人居臺省自師泰始至正十四年除吏部侍郎江淮兵起京
師乏食詔師泰和釋浙右得糧百萬石遷兵部侍郎巡視上
都驛戶驗其貧富均其徭役數十郡之民賴以甯蘇豪貴淫
族之會仍和糴浙西遂除師泰都水庸田使十五年遷福建
廉訪使除禮部尚書未赴調平江路總管甫視事張上誠兵
渡江圍城明年春守將弗能支斬關遁去師泰領義兵力戰
不敵亦懷印綬棄城去匿海濱者久之土誠旣納降江浙行
省丞相達識帖睦迺以便宜授師泰兩浙都轉鹽運使至則
剔積蠹通利源大課以集二十年除戶部尚書俸分部閩中
以監易糧給京師凡數十萬石二十二年召爲秘書卿行次
海寧卒師泰性倜儻儀狀偉然以文學知名而優於政事所

至著績喜推較後進士舉翁然歸之著有詩
經補註友江阮齋續寂問南東軒諸集行世

按舊志作天歷二年擢第元史本傳作泰定四年宣城志

亦作泰定丁卯李黼榜自應以史爲正

明張綸字大經湖廣泰政燦之孫煜父當戍邊煜自請行朝廷
憐其志聽以弟帥代累功爲富路衛千戶綸因占籍鎮

順天鄉薦成化甲辰舉進士知鹽山縣誅鋤豪惡奪貴戚侵
田還監察御史巡通州倉故人自以苞苴詞者謝弗見嘗按
兵定諸郡平鄉令欲增淤田稅百餘頃檄報淤決不常不可
遣民患陞光祿少卿歷大理寺卿興襄二府爭灘地連逮七
十二家久不決綸爲調停奏上之事遂定改刑部左侍郎奉
詔推治博野慶成二王獄稱旨降勅褒諭累官至右都御史
時政柄下移中官用事正德十六年綸奏惡黨秦用等當誅
不可放連及巨璠蕭敬等從中問之月餘不下因乞致仕許
之還宣城卒贈太子少保綸筮仕所職必求稱在言路持論
必持大體恥毛舉以爲名李東陽稱其善自樹立非徇世浮
沉者可望也著有出巡錄憲臺奏稿棘臺駁稿敬亭文集子
乾幹韓乾饒順天鄉薦仕至南京戶部員外郎遼府長史幹

亦領鄉薦南京大理司務韓
蔭卽墨知縣乾隆府志

梅守德

字純甫少雋朗與同郡周怡善吏部尚書李默判郡口深器之登嘉靖辛丑進士授台州推官台臨海強

族多聞出中國貨姦民互市鈎致倭寇守德請御史下其事按治勢家屏息郡賴以安擢戶部主事監徐州倉時輔臣嚴嵩威虐朝士給事周怡御史楊爵員外劉魁以忤繁詔獄守德作三君詠寄之改吏科給事中彈劾益有聲府尹胡奎因嵩戚繫遷工部侍郎力疏其貪狀以聞方士徐可成與嵩比以禱祀得幸爲太常卿又疏駁弗許嵩銜之轉戶科給事中刪封遠藩出知紹興府時兩浙倭熾數殺守臣嵩表守德材畧遂有是命實擠之危地也守德怡然就道藉城蒐卒興學教士均田賦核湖稅民稱便陞山東曹濮兵備副使改督本省學政世宗方勤黜視令陶真入祈年泰山陶帖寵有所干請斥弗爲禮還雲南參政以母老不赴歸建書院講學世稱宛溪先生陞慶中屢薦不起守德敦文學尚氣節居垣中多所建明見忌權姦故不得大用著有寧國府志徐州志宣風集古今家誠無文浸草等書子鼎祚見文苑傳同上

徐元太

字汝賢嘉靖乙丑進士知江山縣丁內艱服闋補魏縣政績卓異擢吏部主事嘗分校萬歷丁丑闈試所

拔皆名士時首輔張居正怙勢薰灼其子弟就試主司相戒
 勿遺元太獨持論非之得懋修敬修卷道摘其紕謬置勿錄
 事竣率臣以積卻摘元太取同邑沈想學為嫌將諷御史論
 之會廷對上親擢懋學第一事遂寢左遷山東泰政居正疾
 甚巡撫及諸藩臬禱於岱元太又獨不往視大慚改陝西按
 察使思中以危法值居正歿稍遷至順天府尹都察院右副
 都御史時蜀中河東楊柳案會喇嘛與灣仲占柯等族擁眾
 入平裔堡大肆殺掠河西偏頭小姓諸部皆應之西南大震
 事聞以元太巡撫四川至則指授方畧謂二寇雖成犄角勢
 河東尤桀黠首禍剪此河西可不戰而下也遂檄西陽播州
 馬叙平茶土漢兵急擊之生擒喇嘛灣仲復擊斬占柯連拔
 諸砦焚礮房千六百有奇生擒賊魁三十餘人俘藏以千計
 羣番震驚不敢為患明年建昌趙嵩馬湖撤假諸酋復大逞
 元太悉討平之拓地九百餘里以功進兵部右侍郎廕一子
 歷刑部左侍郎轉戶部總督倉場加正二品服俸權知兵部
 左侍郎事陞南京刑部尚書遂乞歸家居十餘年卒元太狀
 貌嶽嶽丰稜嚴正於書無所不讀尤曉暢軍事鎮蜀數載勳
 畧為人所傳頌大學士劉宇亮為作傳平番紀功諸碑著有
 史鑒吟易編喻林撫蜀奏議等書子臣慶萬歷壬午鄉薦丁
 詩早卒有白龍草廷慶廕未仕之慶刑部郎中採明史李

應祥傳及乾隆府志合纂

徐大任

字重夫隆慶戊辰進士授工部主事留心國儲歲汰水衡冗費數十萬繕奉命權稅真州羨入悉却不受

免宣船回空遞役之苦秩滿箴中惟敝衣數襲歷官中外皆以廉稱嘗權知京兆尹事出俸錢置學田數百畝贍太學生徒多所獎植以工部侍郎致仕歸大任研究理學清介恭謹雖位列卿貳所居僅蔽風雨神宗嘗稱其清節爲天下第一時人比之范萊蕪云弟大望萬歷戊辰進士知番禺縣亦以廉稱乾隆府志

詹沂

字浴之隆慶辛未進士授新建知縣有惠政徵拜南吏科給事中值星變上疏修實政以應天警糾政府私入

十餘人沂宰臣張居正所取士也奪情議起南省臣希旨乞留疏具沂不肯署曰事繁綱常吾不能媚宰相取嬖後世及居正給假治喪畢南中疏起還朝沂曰彼未有終喪意趣之何爲居正頗憾之遷山東副使尋議裁革冗員置沂革籍中勒歸里起知奉化縣轉祠部員外郎遷光祿丞歷南尚寶太常太僕卿權應天府尹事應天歲額絲價數萬例存十一佐公費却不受擢都察院左副都御史會勘妖書獄株連數十人沂與戶部尚書趙世卿禮部侍郎李廷機私於時相曰一

暇生光可以蔽獄矣羅織其可既乎事乃離時咸寧令滿朝
薦以事作端被收沂固請得釋楚藩之變陳善後事宜比親
王進制撫按皆得以白簡從事乞增人勅內從之一日除夕
上謂左右曰此時廷臣受外觀官書帕開宴打關惟侍郎楊
時喬李廷機副都詹沂三人清寂可念數召對賜羊酒銀幣
其爲上所知如此累疏乞歸不可遂解組封印出國門候命
上優許之有潔身忘義之旨明大臣未有挂冠行者挂冠自
沂始歸卽以潔身名其堂分祿贈族人年八十三卒贈左都
御史賜全祭葬沂質畧簡易恂恂退讓而自任風紀之重屹
不可奪長子應鵬詳宦業次子應鳳廩例生有文學以行誼
稱於鄉採吳肅公傳

畧及乾隆府志合纂

沈懋學

字君典侍御史寵子性跌宕風骨奇矯工草隸詩古

文詞善騎射數往來塞上談時事人多奇之萬歷丁
丑進士廷對第一授翰林修撰嘗應詔賦宣宗元兔圖詩稱
旨御書謹言行明義禮六字以賜眷遇日優會輔臣張居正
以母喪奪情臺省希旨保留懋學奮然與同列趙用賢吳中
行輩約各上疏論列吳趙疏先入被旨廷杖懋學急持章往
救大畧謂元輔之去留爲天常所係言官之忠佞爲國是所
關臣觀某等所言誠不忍居正陷於不孝言官陷於不忠耳

今赫然震怒摧直臣正士之氣雖有良謀至計誰肯爲陛下
言者語甚剴切袖入長安門格不得上居正子嗣修同年生
也乃三貽書勸嗣修諫嗣修不能用復貽書工部尚書李幼
孜幼孜報曰若所言宋人腐語趙氏所以不競也張公不奔
喪與掛懷征誅並得聖賢中道暨儒安足知之懋學遂引疾
歸居正聞之悲甚將圖中之偶同邑生吳仕期爲擬上執政
書中丞胡楨以誹謗下之獄脅使連懋學吳死不承自是扁
舟野服放浪西湖蒼雪間尋登白嶽憇九華或痛飲歌詩挾
聲伎自汚垢數年居正頗悔欲復其官值病卒福王時追諡
文節著有郊居集子有則萬歷庚戌進士詳文苑傳 採明
史本傳及乾
隆府志合纂

張守道

字岸先萬歷甲辰進士授戶部主事視南徐翁有中

徐民德之以內艱歸服闕補武選司員外郎朔望必禮揚忠
愍祠刻其奏議益忠愍嘗以武選主事抗節死故也所理軍
政精覈異羣僚尋調吏部稽勲司歷驗封考功郎廉謹澄清
時稱水鏡適魏璫煽虐守道毅然乞南還得南太常寺卿諸
貴人謁魏祠如鸞獨守道絕足不入崇正初轉工部侍郎聲
奉先殿及內外城罷蕪關小舫稅兼署戶部度支訓擬餼軍

聖

祖親

無遺策以積勞卒詔賜祭塋贈工部尚書廕一子守道謙抑
孝友嘗急其兄難至破產母卒廬墓三年虎繞其墓三月始
去家居不近姬侍嘗構濯纓亭於澄江橋畔人思其清德云
孫廷綱由恩蔭官惠州知府乾隆府志

國朝梅錡

字爾止康熙丁未進士知大寧縣故剗敵銷起瘡痍勤
政教俗遂大振除監察御史疏論漕艘沿途積弊請釐

剔以裨漕政又以鄉會定限太速請展期詳闕並正文體俱
先行累遷副都御史巡撫福建

久而於歷元明幾為平陸銷按圖經返侵地募民疏濬田廬

不憂浸喝舟楫通行又疏請積穀備賑會歲饑便宜平糶民
賴以濟撫閩三載簡重鎮靜政持大體凡海邦名勝先賢遺

蹟悉加表揚以志景仰琉球歲來貢琛向有私覲例銷却不
受貢使悅服肖像歸祀古田令陳瓊慈惠清介銷疏薦之後

亦撫閩閩人崇祀名宦錡性狷介官四十餘年不置一廢亦
未嘗以家屬自隨杜苞苴謝請托雪冤除瘡清名上達仕至

左都御史致仕歸卒三子勗成安慶府
訓導勗成子裕長中甲辰鄉榜同上

按江南通志爾止作爾熾大寧作太平

阮爾詢

字子岳士鵬子康熙壬戌進士由庶常改御史有直聲湖廣以制府兵變議裁總督詢問疏言楚地方數千

里兩巡撫分疆地廣勢懸於形制非便請仍設總督以重彈壓民間輸賦其印票存民官吏或借核查為名收票不即給

每以無據重徵請一切串票並用三聯一貯官一存驗一付民以杜宿弊亳州民李殿機以罪屬入象房後為旗弁僕其

聘妻王氏千里尋夫詢奏給完聚並允行為順天丞以京師多遊學之士請另設籍錄生童時論建之果官工部左侍郎

賜祭葬

著有南紀堂詩集問庾樓集子正頤庵主事

同上

梅穀成

字玉汝徵君文鼎孫舉人以燕子也幼渾然端重甫七歲授之算一日而乘除具康熙乙酉徵君

召見於德州穀成侍用泰州陳厚耀薦直內廷

聖祖稱其能承祖學

御書承學堂額賜之癸巳賜舉人已未賜進士入翰林修樂律

歷算書兼主算歷書成乞歸省至家適徵君病逾月卒服除

世宗嗣位

進見即稱善甄別列一等兼充國史會典各館纂修己酉

遷江南道御史巡通州清累遷通政司叅議順天府承宗人府丞乾隆丁卯晉左副都御史先是任鴻臚奏其人張遇隆

不得朝曰孔子大聖後裔襲公爵顏曾思孟大賢也襲不過博士而儒林不勝其榮者尊賢有差等故名器重也眞人何

功能膺極封且世襲

詔可之

道士禁入朝自此始前後章奏累數十多施行戊辰進刑部

右侍郎拜都察院左都御史壬申補經筵講官明年冬致仕

南巡詔曰梅穀成清素可念賜子武舉人一體會試

江寧

賜詩有無欲有精神閉門惟教子下榻不延賓之句其爲聖主深知如此穀成性應約既致仕推宣城舊產畀姪挈家居江寧

賜祭葬諡文穆所著詩文集如千卷奏議如千卷算法歷學諸書已

入四庫全書中子鈐乾隆庚午副貢生宣城籍孫法優貢生婺源教諭冲庚申舉人上元籍探御史趙青蔡傳增

南陵

宋徐勣

字元功舉進士調吳江尉除桂州教授王師討交趾轉運使徵勣從軍地牽險役者多道亡捕得千餘人使勣

杖之勣以羸病不勝杖請涅臂使者怒欲并劾勣勣終不爲奪大將郭進逗遛不進勣謂副使趙高曰師出淹時主帥無

詩賦意何由成功因言於朝中謂斷者人主之利器今諸將
卒首鼠不進惟斷自主意而已既而達高坐貶舒望將以御
史薦勳惡宜為人辭不答知建平縣入爲諸王宮教授判通
瀾瀕海有隄廢不治勳躬率護築民賴其利復教授廣陵申
王院改王府記室參軍哲宗見其文獎之欲以爲左右史未
及用徽宗立擢資文閣待制兼侍講遷中書舍人修神宗實
錄時紹聖黨尚在朝帝謂勳朕每聽臣僚進對非詐則諛惟
卿鯁直朕所倚賴因論擇相召范純仁韓忠彥勳頓首賀曰
得人矣詔同蔡京校五朝實訓勳取與京伍固辭奏京惡引
盧杞爲喻遷給事中翰林學士上疏陳時要任賢求諫選用
破朋黨明功罪六事國史久不成勳言由元祐紹聖史臣好
惡不同范祖禹等專主司馬光蔡京兄弟純用王安石議論
紛然宜悉取當時輔相家藏紀錄參訂是非勒成大典帝然
之命勳草詔帝初銳欲損革新法曾布乃密陳紹述之說帝
不決以問勳勳曰聖意非欲兩存乎今是非未定若不考實
姑務兩存未見其可又論棄渥中請自今勿妄興邊事京以
勳與何祐中官耶舊僚曲意事之勳不少降尋請歸省或言
學士未有出外者帝曰勳告歸耳非去朝廷也奈何輕奪之
遂而居喪京入輔執中亦預政摘勳行章悖詞爲詆先列服
闋主管靈仙觀入黨籍起知江寧府復論罷大觀三年知太

平州入覲極論茶鹽法為民病曰生財有道用財有法國用不足在明詔有司講行耳帝曰不見卿久今日乃聞謠言加龍圖閣直學士留守南京蔡京自錢塘召還過宋見勔諷之曰元功遺遇在伯通右伯通既相矣勔笑曰人各有志吾豈以利祿易之哉京慚不能對勔亦終不復用以疾除顯謨閣學士致仕卒年七十九贈資政殿學士宋史本傳

明

丁鉉字永時永樂中以書法徵入國子監除戶部主事歷陞刑部郎中出為兩浙都轉運使以廉能治行遷天下第一

嘗出使徐州微汲黯事便宜發倉賑饑上賜衣幣宴禮部旌異之擢河南右布政治益有聲景泰立召為刑部左侍郎時巡北營報日至詔分遣材望大臣協同鎮撫提督操練鉉獨總理大名河南鳳陽淮安團練義勇為勤王計所過境內災傷設法賑濟遠近德之尋致仕卒賜祭葬乾隆府志

國朝

劉楷字子端觀察有源孫康熙己未進士授中書舍人陞刑科給事中疏請飭督撫嚴戢訟師轉掌戶科印疏論督撫保舉學臣請停止公明尤著一條又請嚴河臣保題以杜冒濫又請嚴戢左道禁止邪說皆允行他所論列未見施行

即削稿人不及知而丰裁蹇諤無愧直臣擢通政使叅議轉鴻臚卿奉

命祭告

陝西黃帝以下諸陵屏絕供億還陞右通政轉光祿卿尋致仕歸以著述自娛惜幼喪父矢願旌母節復條編置義田以贍族後卒成其志陵邑人文日盛楷請當事題改大學鄉里德之卒年七十二祀鄉賢 同上

涇縣

宋

凌策

字子奇少孤貧勵志入廬山同姚鉉力學登雍熙乙酉進士授廣安軍判官改西安節度推官以強幹聞歷左

贊善大夫判定州賜緋衣御書歷給實俸李廧以川陝叛策自陳三澁蜀境請行即命知蜀州徙綿州加太常博士擢廣西西路轉運使咸平初遷屯田員外郎入為戶部判官先是嶺南輸香藥用郵卒萬人肩負策請陸運至南安汎舟而北省費無算轉職方員外郎直史館賜金紫命知廣州廣英路自古河趨板步二百里每夏瘴起行旅輒死策請山英州大原洞伐山開道直抵曲江人以爲便代還知青州拜都官郎判三司三勾院出知揚州屬江淮歲儉頗有盜賊以策領淮南東路安撫使時洪州水潦王巨奏策可寄方而徙知洪州兼江南轉運使饒州產金禁商市鬻或有論告逮繫滿獄策請聽民販市官權算人便之祥符中召拜右諫議大夫集賢殿學士知益州兩川錢多盜鑄策請鑄大錢以一當十從之

代遂上有意用會病命知通進銀臺司兼門下封駁糾察
在京刑獄是秋拜給事中權御史中丞命同李迪呂夷簡議
榷茶法視舊稍寬明年疾劇遣使存問賜名藥求典本郡以
工部侍郎知宣州卒錄其子璵璵璵璵璵璵璵璵璵璵璵璵
事精密所至有治蹟真宗嘗對王旦言璵璵璵璵璵璵璵璵璵
能斷且復稱其性淳實和藹事強濟且病上問可代者薦璵
與李及十餘人策兄簡國子
博士分司南京宋史本傳

劉琦字公玉父澠景德乙巳進士仕屯田員外郎太子贊善
本宣城人徙涇琦少博學慶歷丙戌登第調分寧簿移
鍾離令大姓陳氏子殺人誣平人求免琦得其賂於死者家
置之法歷績溪舒城清約不擾邑人思之累遷屯田員外郎
簽書寧國軍判官改都官員外郎熙寧初召為侍御史神宗
親題其譜系曰漢室中山裔皇朝侍御家一時恩寵為盛會
城綏州羌數入鈔翠琦言棄之使又論皇族推恩無紀請以
禮降殺之浙西漕渠設甚小使者侈其功從遷被旨置獄東
南官吏震恐琦治首事者二人而已朝議疑之及劾王安
石挾術媚上移意用人變法不當凡十事因并論曾公亮趙
抃畏辟固寵坐貶監處州鹽酒稅司馬光力爭之不得時琦
與劉述錢顗並以議行汎舟東下酣詠山水為樂改職方員

外郎判鄧州按獄唐州致仕歸卒琦立志峻潔銳於爲義家無餘貲琦亡諸子猶借屋以居史稱其窮厄死無悔而聲名著於天下後世子讀非熊並登

熙寧庚戌進士宋史本傳

明董傑

字萬英性端謹平居無惰容家食時卽以天下爲志舉成化丁未進士時暑月輟講御史湯肅極論之傑方謁

選亦抗疏爭由是知名除沔陽知州值歲旱調租賑乏民賴之甫數月會四川饑中書舍人吉人薦湯肅及知州劉機等可使主賑御史魏璋陳壁希閣臣劉吉指言肅機及主事李文祥庶吉士鄒智知州董傑皆黨人互相標榜詆毀時政遂逮傑等下獄欲盡置之死賴尚書何喬新侍郎彭韶力持之傑得謫四川行都司都事累陞刑部員外郎中選保定知府淹獄千餘人甫半月剖決殆盡勸州有盜警傑練兵儲粟民藉以無恐爲立生祠祀之陞山東左叅政歷廣東河南左右布政正德六年江西盜起巡撫王哲兵敗擢傑右副都御史代之時宸濠反形已具屢餽遺傑拒不受且時諷以忠義濠知不可奪每朝見輒留飲一日飲歸語家人曰吾今日飲寧府酒首眩腹脹豈有異耶次日歿體皆赤家人不敢言貧不能發喪有司敬視其篋白金不盈兩成爲嗟歎尋賜祭葬傑潛心理學時稱孝友忠信嘗作七上辨以明學術邪正歷仕

數十年所在盡職得民心著
有五城文集 乾隆府志

蕭彥

字思學隆慶辛未進士除杭州推官萬歷初擢兵科給事中塞上多警遣吏數假招降俸賞彥言議招逆黨爲

中國連亡設耳奈何招漠北人宜一切報罷從之轉工科給事中閱視陝西四鎮邊務還奏訓兵儲餉十事並允行進戶科都給事中初行文量法延寧二鎮益田萬八千餘頃議徵賦彥言西北舉荒免科祖制也况二鎮多沙磧奈何定額使初集流民懷去志遂除前令詔購金珠已停市命輸直內庫彥言不當虛外以實內詔取黃金三千二百兩彥又力請減半均不從尋上言察吏之道不宜視催科爲殿最隆慶五年詔征賦不及八分者停有司俸至萬歷四年又以九分爲及格又令帶征宿負二分是民歲輸十分以上也有司憚考成必重敲朴民力竭則流亡隨之臣以爲九分與帶征二議不宜並行所謂寬一分民受一分之賜也未幾湖撫復以舊例請彥疏爭乃已擢太常少卿以右僉都御史巡撫貴州都勻答千巖苗叛土官蒙詔不能制彥檄副使楊寅秋破禽之改撫雲南時用師龍川副將鄧子龍不善御素驕之兵餉少緩遂作亂逼永昌趨大理抵瀾滄過會城彥調土漢兵討之斬首八十撫散脅從事聞資銀幣自緬甸叛孟養車里二宣慰

久不貢至是修貢撫納之尋以副都御史撫治鄆陽進兵部
右侍郎總制兩廣軍務日本朝朝鮮會退羅人貢請潛師直
搗日本幸其後尚書石星議從之彥言進羅處極西去日本
萬里安能飛越大海請罷其議星執不從既而還羅兵卒不
出召拜戶部右侍郎尋卒上聞哀悼賜祭葬贈右都御史諡
定肅廕一子彥少從同縣查鐸學有志成行服官二十餘年明
習時事所在見稱立朝多諫言因任開府節制諸番恩威並
著在黔則破砦禽巨逆在滇則靖亂兵杜遲羅之請皆不動
色折陰萌又雅善文詞多著咏弟雍廣京按察使時稱二蕭
詳儒林傳 明史本傳

趙士登

字應庸萬厯庚辰進士知武昌縣調黃岡時行清丈

及圖國方恐諸因逸視之悉蒲伏庭下曰吾屬罪應死安敢
遁逃爲明府憂以治最罹御史出按貴州信安所亂協謀督
撫討平之再按江西歲撈發粟賑貸所全活無算廷議以河
決請加賦士登力持不可竟得免轉河南道掌京察疏請專
責成廣咨詢公權衡辨名實不刻嚴以傷善類不疎漏以進
黃緣語具奏贖中陞大理丞進少卿遷僉都御史正己率屬
莫敢干以私尋進南吏部右侍郎攝秩宗事因水災疏請修
實政以答天譴又論大僚多曠懼國事叢脞語皆切至卒贈

右都御史廖一子士登平生孝友祖母病革繼天請代母歿
勸絕復蘇以必問父安否遺產悉讓二弟立朝時凡所作者
有急仍為曲解其度量類如此留心學問服膺薛文清王龍
溪語錄手未嘗釋著有省身全言十卷 乾隆府志

葉永盛

字子木萬歷己丑進士除蘭谿令徵為御史巡視浙

聞虐若等吾力爭不聽且將罷我於上以諸建賢者相惡吾
善病且死孰與死杖下活若等疏辭位切上悟不直閩溪江
西首糾大僚不法諸貪吏望風解綬聞寺黨連武弁復有京
口儀兵獻店設榷之議永盛抗疏請斬宵人以安眾心議遂
罷巡長蘆蘆溝諸道薄領殷奏說獄填委緘悉無遺人方之
費禕劉膠之居御史九載疏凡數十上糾周寺劉成張燧馬
堂懲賊晚李誠總折武弁鄭一麟馬承恩摘巨奸高時夏胡
時順時劉元珍以論沈一貫賄留位人微謫永盛抗章爭之
又嘗劾冢宰孫不揚掣籤定地非銓法而推重新蔡李建機
有楊綰房杜之節墾屯田千頃請賑金七萬直澤震中外累
陞太僕寺卿卒永盛少孤弱為人所辱其子解之後遇於途
子惶恐謝笑曰吾德若忘若父矣有歸侵地者謝不受曰孤
被奪而貴受之吾不為也若自今無侮孤寡矣鄉有富人坐
譽誣論死餽數百金乞援解盛麾之去而陰為救免同官王

嘉賓周家棟旅死厚殮之祿賜分給以視疎為差歷治皆有像尸祝焉疏稿四冊載文獻通考子天眷舉人以文行世其家同上

寧國

孫吳朱治

字君理故鄣人察孝廉辟從事隨孫堅征伐有功表行督軍都尉堅薨扶翼策依袁術勸策還平江東策

亮與張昭等尊奉權建安七年權表為九真太守征討夷越

佐定東南截黃巾餘類黃武元年封毗陵侯二年拜安國將

軍金印紫綬徙封故鄣權嘗歎治憂勤王事優異之是時丹

陽深地頻有姦叛亦以年向老思戀故土自表屯故鄣鎮撫

山越諸父老故人莫不詣門治皆引進與共飲晏鄉黨以為

榮歲餘還吳黃武二年卒年六十九據三國志本傳增

按太平寰宇記漢末分宛陵南鄉置寧國縣吳景帝時屬

故障郡是寧國於故鄣為近故以治為寧國名臣之首

明屠羲英

字淳卿嘉靖丙辰進士授戶部主事歷祠祭郎中督學浙江校士殿正卿淳華絕于請雖要津朝貴書概

束不省都人士咸心服為萬歷時張居正當國薦陞南光祿卿改太常寺轉祭酒居正移書曰公督學浙中屹然執憲不可奪誠務躬行不事空譚者今在曹監亦當如督學時毋長諸生傲僻也與性故微慕益勵筋有條士風丕變人謂陳文定後一人而已無何居正禁講學英曰官可一日便棄學不可一日不講母為偽學則可耳與同志亡大夫會講不復居正丁母憂廷議奪情起復南北部寺卿或連贖保留請署名英曰今日朝廷可無江陵江陵不可無母朝廷無江陵天下之綱常在江陵無母天下之綱常亡忿然擲筆出時都御史張岳御史朱鴻謨亦論劾居正世為南畿三鳳會祭酒秩滿當遷上曰居義英不愧為士階模當令久掌戎均御書春風化雨蔚為人宗入字賜之尋病乞歸構精舍山居讀書終老居正既歿朝臣交薦堅卧不出卒賜祭葬贈刑部侍郎子四次珪極萬歷庚子丁未以春秋冠兩闈仕終南安知府三珪圭與兄珪極同舉於鄉並稱廉正

乾隆府志

仙克謹

字仲恒幼時有僧奇之曰此兒異日必開府長穎慧善讀書尤彈心經術成萬歷丁未進士知隆平縣苦

旱捐俸給民穿井七百有二十民立石識之曰仙井邑無城又力城之尋調建安隆民泣送者塞路抵建安會水患多漂

湖築堤建橋民困以濟壬子分校閩閩善品鑒大學士楊景辰大宗伯張維祺皆出其門尋擢部曹歷兵部職方司郎中轉山西兵備副使駐陽和遡事孔棘克謹親登陴指揮防禦無遺力敵為奪氣自是五載不敢犯境天子以為能崇正初擢副都御史巡撫山西提督雁門偏頭寧武三關條防邊策洞悉機宜語具三晉奏議中嗣引疾乞歸上以忠勤慰留至再嬰疏方許歸築室溪上閉戶罷竿牘置義田立義學十數年卒著有籌勝必覽聲溪藥言等書 同上

旌德

明周希旦

字汝魯嘉靖壬戌進士任興化府推官擢陝西道御史首疏崇正學養聖躬上幸太學賜金幣時新鄭當

國侍宮僚舊恩專恣希旦論之直聲震一時丁艱歸服除臺省交薦起浙江道御史疏請罷內閣定大峪山議以扈蹕幸西山再賜金幣又請止入貲正士習侍經筵賜宴掌河南道計吏甚公巡視京營請補伍足餉遷南尚寶司卿大理寺丞多平反轉應天府丞時苦旱疫希旦兩疏請發金二萬賑濟又多方備粥藥以贍救引年歸卒祀鄉賢 同上

郭建邦 號宜猷天啟壬戌進士 初任行人值璫徵餉灼朝貴競走其門建邦 乞歸家居者六年璫敗起官

擢兵部給事中轉吏部選將計吏舉賢劾佞敷陳立立無
所遮忌遷尚寶司少卿通政司通政適戶部以兵餉孔亟檄
加寧廣山稅建邦詣巡按御史力言旌邑山瘠加稅三千餘
兩民不堪命御史爲疏請得免遷太僕寺卿捐俸八百餘兩
助買馬倭軍實陞順天府尹勤心撫字會久旱虔禱三日雨
隨注冬久雪虔禱雪隨止因疏陳民間疾苦請修補助故事
時三輔饑建邦捐俸助賑民戴之如慈母歌頌之再捐俸助
修城河工擢工部左右侍郎數召對與枚卜以督工東角樓
致疾乞歸卒著有芝林居集
詩文六卷祀鄉賢 同上

太平

宋

孫楫

字德操紹興甲戌進士歷判池真鄧三州所至以均稅
省訟興學節財爲務代民輸荻料等賦以巨萬計入覲

高宗廷獎曰天下有卹而辦有不卹而辦卿所謂卹而辦者
也嘗論公生明上問何以生公對曰廉生公又問何以生廉
對曰儉生廉上稱善累遷知太平州尋移溫州學宮故有秦
檜祠楫至承命撤之朱熹稱其愛立而教明古良吏也後韓
侂胄用事以秘閣修撰
致仕歸 宋史本傳

明崔涯

字若濟八歲能文由嘉靖己丑會魁擢御史遇事敢言糾劾不避權貴時陞見上目其風采稱為真御史視

河東條陳鹽政七事歲大禮疏發鹽課七十萬以賑蒲解之民賴以全活繼按福建始下車立糾一墨吏聞風解綬去者七人陳山海十二策悉中利弊比亢早有司禱弗應因疏滯獄從寬恤親禱為守令先霖雨周渥時稱為御史雨尋以劾冢宰汪鉉作旨見斥會倭寇東南部院臺省薦天下名士三人唐順之鄒守益及涯以老疾固辭築室銅山賦詩終老涯學術醇正始從湛甘泉游叙古文小學構考亭書院奏入羅豫章李延平從祀文廟清風令德無愧古人著有筆山文集十卷卒祀鄉賢乾隆府志

周怡

字順之為諸生時嘗曰鼎鑊不避溝壑不忘可以稱士矣不然皆偽也從學於王畿鄒守益登嘉靖戊戌進士

授順德推官舉卓異擢吏科給事中疏劾尚書李如圭張瓚劉天和尋又劾湖廣巡撫陸杰工部尚書甘霖採木尚書樊繼祖立朝僅一歲所推擊悉當事勢力大臣在廷側目怡益奮不顧會吏部尚書許讚許大學士程監嚴嵩私屬事帝方嚮嵩反責讚怡上疏曰人臣以盡心報國為忠協力濟事為和未有公卿大臣爭於朝文武大臣爭於邊而能修內治

禦外侮者也大學士鑾嵩與尚書讚互相詆訐而總兵官張鳳周尚文又與總制侍郎翟鵬督餉侍郎趙廷瑞交惡此最不祥事誤國孰甚今陛下日事禱祀而四方災祲未消歲開輸銀之例而府庫未充屢頒蠲租之令而百姓未蘇時下選將練士之命而邊境未寧內則貨財匱而百役興外則寇敵橫而九邊耗乃鑾嵩憑藉寵靈背公營私播弄威福市恩報怨輔臣真知人賢不肖宜明告吏部進之退之不宜挾勢徇私嵩威靈氣微較轢百司凡有陳奏先探其意旨而後敢聞於陛下中外不無陛下惟畏嵩久矣鑾漢認委靡讚雖小心謹畏然不能以直氣正色銷權貴要求之心且直言敢諫之臣於權臣不利於朝廷則大利也御史謝瑜童漢臣以劾嵩故嵩皆假他事罪之諫諍之臣自此箝口雖有檣杌磔兜誰敢復言帝覽疏大怒詔廷杖銅獄三年以乩仙言釋之未幾復逮又三年大高元殿災相傳火光中聞有呼三人忠臣者遂又釋之三人者御史楊爵員外郎劉魁及怡並以言同繫者也隆慶元年以給事擢太常少卿陳新政五事語多刺中貴由是忤旨出爲登萊兵備僉事給事中岑用賓爲怡訟不納改南京國子司業復召爲太常少卿未任卒怡方介峻潔論事輒義形於色推明正學每言至誠無息爲大宗屋漏不愧爲實用先後繫獄五年屢瀕死日與僞魁切劇講論忘其

困蓋忠亮天植云天啟初追諡恭節著有訥溪文集二十七
卷行於世 明史本傳

寧國府志卷二十六

人物志

忠節

宣城縣

晉俞縱

咸和初爲桓楚部將蘇峻亂募遣縱守蘭石與峻將韓晃遇衆寡不敵左右勸其退守縱曰吾受桓侯恩厚吾之不負桓侯猶桓侯之不負國也力戰死寇平贈典國太守

晉書

宋王相如

字次卿知微曾孫孤貧嗜學年四十不娶或問故曰字次卿知微學也呂右丞好問守宣州得士四人詹友端李

宏周紫芝相如與焉讎集必與四人俱建炎初江右盜起相如逃匿山中爲賊所得州有檄招附賊令屬草報州相如奮稱叱曰吾死不爲賊作牒遂遇害一門皆死僧殺達得其遺稿三百七十餘篇號溪堂集周紫芝序稱爲仁者之勇云

一統志

詹友端

字伯尹少儻強學博極羣書政和丙申領鄉貢第

戚方圍宣

城州守李光分城守禦友端數出奇謀每匹馬輕

裘奮當鋒

矢以爲衆倡賊平補迪功郎調監池州磨軍酒庫

會盜發鄆

鄆郡委友端攝西安尉與賊力戰中流矢卒年四

十三詔錄

其子雷贈大中大夫友端慷慨報國死所自許同

紫芝哀之

云勇吞百蠻志存黼展奇禍一作含憤就斃司勳

弗賞史官

弗記徒使勇士忠臣怒目飲泣爲可悲焉採宣

和五年知

廣德軍方懋德傳及穉米集合纂

趙汝彞

居嘗善射嘉熙元年通判文州北兵來攻與知州劉

乏援城中

水汲於江會陳昱以失汚編置文州夜出降告敵

虛實攻益

急一夕移江流數里外銳度不能支集其家人飲

藥死城陷

銳自刎汝彞提雙刀入陣中十六矢被執先斷其

兩臂後裔

殺之事聞汝彞立廟賜諡宋史劉銳傳

吳寶信

字叔誠柔勝之後以廕爲龍泉令時元阿剌罕入臨

安寶信從

張世傑陳宜中等奉二王如福州復遷泉

州港會蒲

壽庚亂率淮兵百人力戰死妻饒載烈女傳

大清一統

志

唐泰嶽號唐方宋相介後廬州太守濟子也歷仕至樞密宋度宗時京朝官皆領外職嶽遂出節度寧國軍寧國
為臨安一大要隘咸淳九年勅曰用爾能綱之臣寄茲專閫
之任節制中軍策畫內政又云身爾塞塞之忱保我休林之
衆嶽於是捐循士卒獨當一面嘗出師采石力戰不克退守
寧國元兵繼降嶽曰世有降節度耶兵漸逼謂夫人李氏曰
元令圖久者下之日唐其城吾何惜一身不存數萬民命爾
宜去新安里居夫夫曰死義與死兵等耳妾何之遂同日死
中軍官馮鍾藝葬之城北崑山後諸子聞訃來以墓在宣不
忍去遂卜居焉土人德之爾其所居里為唐家巷今其苗裔
之在宣者石墳金山星斗鳳翅析為四支最稱蕃衍 元貢
師綱傳畧

按唐泰嶽從前府縣舊志俱佚今從其裔孫以碑刻家譜

呈請補入

元汪澤民

字叔志徽之婺源州人宋端明殿學士藻之七世孫也少警悟家貧力學既長遂通諸經延祐初以春秋

中鄉貢上禮部下第授寧國路儒學正五年遂登進士第授承事郎同知岳州路平江州事以母年八十上書願奪所授

官一等或三等得近地以便養不允南歸奉母之官州民李氏以貧難其弟死妻誓不他適兄利其財喚族人誣婦以奸事獄成而澤民至察知其枉爲直之會朝廷徵江南包銀府徵澤民分辦民不擾而事集尋遷南安路總管府推官鎮守萬戶朶兒赤持官府短長郡吏王甲歐傷屬縣長官訴郡同僚畏朶兒赤託故不視事澤民獨捕甲繫之獄朶兒赤賂巡按御史受甲家人訴欲出之澤民正色與辯御史沮怍夜竟去乃卒罪王甲湖州府判官錢珍以奸淫事殺推官梁楫事連廣東廉訪副使劉珍坐繫者二百餘人省府官凡六委官問皆顧忌淹延弗能白復檄澤民懾之獄立具人服其明遷信州路總管府推官丁母憂服除授平江路總管府推官有僧淨廣與他僧有憾久絕往來一日邀廣飲廣弟子急欲得師財且若其箠楚潛往他僧所殺之明日訴官他僧不勝考掠乃誣服三經審錄詞無異結案待報澤民取行兇刀視之刀上有鐵工姓名召工問之乃其弟子刀也一訊吐實卽械之而出他僧人驚以爲神調任寧路兗州知州孔子後衍聖公襲封職三品澤民建議以爲宜照其品秩以示褒崇宣聖之意廷議從之至正三年朝廷修遼金宋史召澤民赴闕除國子司業與修史書成遷集賢直學士階大中大夫未兩月卽移書告老大學士和尚曰集賢翰林實養老尊賢之地

先生何為遽去願留以副上意民曰公人切榮三品
志願足矣遂以嘉議大夫總部尚書致仕既解出里與門作
故人相往還始遊起然若忘世者十五年蘇軾陷徽州時
澤民居宣州已而賊來犯宣州江東廉訪使道童雅重澤民
日就之問守禦計城得無虞明年長槍軍頭南泉等叛來攻
城或勸澤民去澤民曰我雖無官守既受國厚恩臨危受死
非臣子節留不去凡戰鬪壽盡多澤民參決之累敗賊兵既
而寇益眾城陷澤民為所執使之降大罵不屈遂遇害年七
十事聞贈資善大夫江浙行中書省左丞追封諡國郡公諡
文節元史本傳

按澤民遇害時有詩云江城欲破竟何為獨有孤臣謹白
持罵賊肯教雙膝屈忠臣不顧一身危所著有春秋纂疏
行世詩有巢深燕山宛陵三稿長子用敬以子貴封敦武
校尉常州路宜興州判官次子用和國子生辟克侍儀司
舍人不赴兄弟痛憤不食相繼卒二條分見於元百家詩

傳及萬厯志特附記

王翁

宣城管軍百戶至正乙未八月長槍軍鎮南班叛攻郡城將陷翁呼弟曰我受國恩遇難當死顧老母在汝等

宜出避語訖即殺妻子

焚其居自刎死

元史

張文貴

宣城百戶至正十七年五月明兵下寧國路守將出降文貴仗節被執不屈死妻妾亦俱死一統志康熙府

熙府志同

梅實

宣城人世治春秋爲集慶路總管府照磨至正末明兵圍集慶乏援謂友人李端曰事急矣當以死殉國毋令

後人謂我不明君臣之義城陷不屈遂闔門自經元史

劉保一保九

管力絕倫剛果有爲元末時劇盜蠭起率衆捍禦鄉里擒賊有功保一勅封萬戶保九信武將

軍保九竟沒於陣乾隆府志

明陳迪

字景道宣城人祖有賢明初從征有功世撫州守禦百戶因家焉迪偶儻有志操辟府學訓導爲邵草賀萬壽

表太祖異之久之以通經薦恩官侍講出爲山東至泰政多
惠政丁內艱起復除雲南右布政使善定曲靖烏撒烏蒙諸
蠻煽亂廵率土兵擊破之賜金幣建文初徵爲禮部尚書時
更修制度沿革損益廵議爲多會以水旱詔百官集議迺請
清刑獄招流民凡二十餘事皆從之尋加太子少保李景隆
等數戰敗廵陳大計命督運軍儲已聞變趨赴京師燕王即
帝位召廵貴問抗聲不屈命與子以山丹山等六人磔於市
既死人於衣帶中得詩及五噫歌辭意悲烈義頭侯來保拾
其遺骸歸葬妻管縊死幼子珠生五月乳母潛置溝中得免
八歲爲怨家所訐成祖宥其死戍撫寧尋徙登州爲蓬萊人
洪熙初赦還鄉給田產成化中寧國府知府涂觀建祠祀廵
宏治間裔孫鼎舉進士仕至應天府尹剛鯁有聲 明史本
傳 謹按

欽定勝朝殉節諸臣錄
賜諡忠烈

余逢辰

字彥章燕王府伴讀有學行王信任之以故得聞異
謀乘間力諫知變將作貽書其子誓必死兵起復泣

諫言君父兩不可負死之 明史本傳 謹按

欽定勝朝殉節諸臣錄

萬琛

字廷器貌魁梧性勇於義成化丁酉舉人知靖江縣改

勸其隱避琛叱曰琛去誰與守土遂率兵殺賊二十餘人力

屈被執賊問庫藏琛罵不已還害時宏治乙丑正月也賊退

得其屍溝中身被創十六指截三詔贈光祿卿廕一子初琛

遇難次子麟郡諸生伏闕上書以死明父節得贈及廕有司

謂宜錄麟麟推讓兄麟督學御史蕭鳴鳳重其孝友崇之後

仕光山簿卒官獻徵錄大清一統志同

吳仕期字德望諸生側儻負氣萬歷初張江陵奪情期憤然

人也太平同知龍宗武賈里人相比捕期置獄訊之曰必有

授爾者舉其人當爾貸蓋指沈修撰懋學也期曰男子負剛

腸誓直言肯聽人指授耶榜掠無完膚卒無一語他及宗武

命獄卒囊汝撲其面夾死問者寃之萬歷辛卯其妻貢與弟

仕朝奔慙南臺御史孫惟誠具疏以聞檟宗武皆

遠戍勅建仕期夫婦坊後祀鄉賢乾隆府志

按吳肅公文臺傳畧仕期垂死摘襪應咽之拈筆為文自

祭曰凡有正氣斯有正理出生入死二者而已又題壁曰

寶劍埋冤獄忠魂繞白雲作書遺其父母天下聞而悲之

張有德

字養源出太學任福藩工正崇正壬午賊寇郿城有德力為捍禦後被執罵賊遇害河南巡撫蘇京具題

建祠

乾

隆府志

沈壽崇

號旭海都督有容子也崇正初武進士累官與都正留守忤巡按李振聲被劾罷未行而賊至遂及於難

贈都督僉事

一子錦衣百戶

明史本傳

謹按

欽定勝朝殉節諸臣錄

賜通諡節愍

沈壽堯

壽崇弟都督有容子金聲起兵績溪叩祖德與宣城舉人錢文龍諸生麻三衡各舉兵應之時郡城已失

祖德駐華陽三衡駐稽亭

蠡起者十餘部三衡與吳太平阮恒阮善長劉鼎甲胡天球馮百家俱起號七家軍皆諸生也

約共攻郡城不克壽堯陣沒三

衡軍敗亦死

明史叩祖德傳

麻三衡

字孟璚布政使溶孫宣城選貢生屯師麻姑山六潰

還狼暉已得死所

朱竹垞明詩綜小傳

吳漢超

宣城諸生崇正十七年間都城變謀募兵赴難會福

兵敗匿華陽山中先是耶祖德麻三衡諸軍潰保華陽有徐

淮者部署之漢超與合連取句容溧水高淳溧陽涇太平諸

縣明年正月義寧國夜緣南城登兵潰城中按首事者漢超

已出城念母在且恐累族人入見曰首事者我也剖其腹膽

長三寸妻戚氏自擲樓下死

明史耶祖德傳

謹按

欽定勝剴節諸臣錄沈壽堯麻三衡吳漢超俱

恩准入忠節祠

按順治邑志載吳漢超原名寧公邑諸生住城西南隅丙

戌正月四日結死士逼城夜三鼓縱火鳴戈以衆焚南門

不得逞盡殲其衆翌日按寧公不屈死之明史通鑑輯覽

及宛雅俱作漢超事實亦與史傳不符兩存之

方召

宣城人署江山縣事金華被屠集父老告之曰兵且至吾義不當去然不可以一人故致闔城被殃遂封其印

冠帶向北拜赴井死士民為收葬立祠祀焉

明史朱大典

欽定勝朝殉節諸臣錄
賜通謚節愍

徐肇基

字紹先幼穎異好讀古文詞及九州形勢將畧諸書以孝友稱里黨性豪俠赴人急難憤不顧身甲申年

聞國變北向大慟幾絕及麻三衙起兵麻姑山即往共事妻劉南康同知汝芳女也勸之曰天命有歸矣肇基泣然曰吾

惟死耳後從三衙死

乾隆府志

謝國斌

崇正癸酉武舉廣東陽江守備明亡時闔門盡死

乾隆府志

國朝李煌

字仲宣宣州衛人總兵遇文孫順治戊子恩貢授萊州推官尋攝膠州順治十年鎮將海時行擁兵叛召司理

煌至不屈遂被害事聞贈山東按察司僉事

予祭葬庶子如玉入監讀書長孫喬庵授四川遵義知縣雍正乙巳

祠祀京師煌被害時妻華年少撫子以節終時隊中有旗鼓司張思選者陝西延安人時行命刃煌思選以刀返擲時行不中並遇害思選僕張俊携刃主逃匿旬日遇煌于道曰爾主今日戰於廟灣囑我善視爾勿主可勿逃也言訖不見明日時行被擒膠人爲立憫忠祠採一統志及山東省志合纂

按嘉慶十一年煌裔孫達仍廕千總在寧國營効力

劉讓字仲怡從征粵西以軍功授西林知縣康熙辛酉征貴州讓轉餉軍前遇賊於南寧逼脅不從被殺兄讓走萬里負骸骨歸乾隆府志

按讓於乾隆二十九年准祀忠義祠

濮陽寧曾

字爾修以材官給遊擊銜從松江提督征耿逆至閩界渡河馬陷歿康熙二十三年照陣亡例

賜卹銀七十二兩

事實冊

王福

定遠人僑寓宣城嘉慶初客江陵值教匪不靖募義勇二百人投營効力累首功官把總屢與賊遇被劍通中

勇氣益奮潛結賊黨吳成樹子吳登元為內應掘大營大將
軍疑有詐令害賊登元果乘夜殺賊應兵無後繼乃以吳登
元歸大將軍嘉其功轉一勳旋以追賊中鎗死事聞

賜加等議卹

賜卹銀三百兩

世襲恩騎尉一子雲騎尉
事實冊

南陵縣

元張國岡

至正丙申趙雙刀寇南陵國岡率義兵與戰兵敗被
執不屈賊斷其兩膝至死罵不絕口 江南通志

明吳景

字伯陽宏治丙辰進士歷官四川按察司僉事發奸摘
伏蜀稱神明守江津時潘州賊逼川南御史遁去景禦

賊手殺三人城陷大呼曰寧殺我毋殺百姓被執不屈死之
事聞贈按察司副使錄其子鎬宣州衛百戶 江南通志府

縣志
同

劉永合

字符卿崇正末張獻忠破廬州餘賊躡及南陵永合
糾健壯捍鄉里屯葉家橋賊驟至倉猝星散永合被

執罵不絕賊怒截其顙于邑廩生士裔痛哭罵賊賊異之舍
去終以哀死 事實冊

朱懋華

字仲敬崇正癸未進士知浙江定海縣蒞任數月聞

南通志

謹按

欽定勝朝鉤節諸臣錄

賜通諭節略

施所蘊

字玉壺善教長子以廕授光祿寺丞歷貴闕幕告歸

中庭指迤大罵叱之跪曰吾膝豈為鼠輩屈耶寇刃其膝仆

地罵不絕口遂遭慘戮子烱甫十二歲抱尸哭幾絕寇感動

釋之巡按御史鄭旌曰

劉大京

字君開仙鼎草新令至家人委曲諫勸不從慷慨就

國朝孫斌

字淑獻以武進士為福寧游擊耿逆反招斌斌斬其使

興化葉妻子而逃至背嶺山追卒至梗杖交下推墮峻崖腰

筋皆折丁巳春王師下興化斌扶杖謁軍門奉

旨優叙累官夔副將都督同知聞繼母沒求解任

詔特許之武臣丁憂自斌始

按孫斌乾隆府志載武烈江南通志及南陵縣志俱入忠節迹斌行事亦良不愧特改載

涇縣

元洪文廣

小名省一以薦辟高陽牧三年政平訟息尋擢臺史時桑哥為省臣怙寵擅權文廣首劾之黜為建康道

廉訪副使居任歲餘三上疏言朝廷得失桑哥怒矯詔賜死命貴首京師鄉人私謚曰忠節 乾隆府志縣志同

明左光斗

字遺直桐城人萬曆三十五年進士除中書舍人選授御史巡視中城捕治吏部豪惡吏獲假印七十餘

假官一百餘人輦下震悚出理屯田條上三因十四議詔悉允行光宗崩李選侍據乾清宮迫皇長子封皇后光斗上言內廷有乾清宮猶外廷有皇極殿惟皇后得居之其他妃嬪不得恒居別尊卑也熹宗善之趣擇日移宮當宮府危疑光斗與楊漣協心建議宸極獲正兩人力為多由是朝野並稱為楊左廷臣議改元光斗請從今年八月以前為萬曆以後為泰昌議遂定出督畿輔學政力杜請寄識鑒如神擢大理丞進少卿明年二月拜左僉都御史是時韓爌趙南星高攀

龍楊連鄭三俊李邦華魏大中諸人咸居要地光斗與相得
務爲危言覈論甄別流品正人咸賴之而妄者浸不能容楊
連劾魏忠賢光斗與其謀又與攀龍共發崔呈秀賊私忠賢
暨其黨戚怒及忠賢遂南星攀龍大中次將及連光斗光斗
憤甚草奏劾忠賢及魏廣微二十二斬罪擬十一月二日上
之忠賢謂知先二日假會推事與連俱削籍後搆汪文言獄
入光斗名遣使往逮至則下詔獄臨訊許顯純誣以受楊鐸
熊廷弼賄賂連等初不承光斗秘計曰彼殺我有二法因我不
承而酷刑以斃之一也夜半令獄卒潛殺之二也承則當下
法司庶有見天之日諸人然其言俱自誣服光斗坐贓二萬
忠賢乃矯旨令顯純五日一追比不下法司諸人始悔失計
容城孫奇逢者節俠士也與定興鹿正倡議釐金諸生爭應
之得金數千謀代輸緩其獄而光斗與連已同日爲獄卒所
斃時五年七月二十有六日也年五十一光斗既死賊猶未
竟忠賢令撫按嚴追繫其羣從十四人長兄光霽坐累死母
以哭子死都御史周應秋猶以所司承追不力疏趣之由是
諸人家族盡破忠賢誅贈右都御史錄其一子已再贈太子
少保福王特追謚忠毅

按明史本傳光斗桐城人而涇縣志稱光斗實由涇邑遷

桐登科錄向稱涇邑人今仍之

朱儀

字象先崇正丙子舉人知嘉定州行取入京會流寇張

障遂率眾固守已而賊大至城陷不屈
閩門遇害妻胡見烈婦傳 乾隆府志

徐應第

字及三崇正辛未武進士累官武昌都司十六年張

得死所矣尋被難止
子僕脫歸 同上

蕭耀

字間然崇正辛未武進士歷任兩廣總兵大兵下兩粵

憤微臣血戰孤城裂一朝死報恩遂拔劍自刎妾劉幼子培

蕭家駿

字燕良崇正癸未武進士為平望守備順治乙酉閏

家驃撫之成立驃事嫂如
母以一子奉兄祀 同上

吳大鼎

字席儒武庠生為湖撫何騰蛟識拔由守備超遷總

上同

朱敬泰

字子顏由吏員歷宣府督糧通判聞賊陷宣府同巡撫朱之馮自經死家屬七口同死明史未詳邑里今

紫花林都後裔朱氏錄入

趙鶴

或作一鶴字子九邑庠生習技勇諸韜畧乙酉賊破跨馬揮刀出北城格殺數十人沒於陣妻湯載烈女傳

乾隆府志

劉嘉

字亨父童時卽以忠孝自任授徒得館穀養母均諸弟乙酉城破以母機在堂不忍避被執死之同上

趙大中

字黃吉性忠孝乙酉城將破作書別妻子題詩藏衣帶中曰生亦報國死亦報國忠盡靡他生死兩得既

被擒當事憐其才欲用之不屈遂伏法或作赴水死時主兵音尹民興遁去後同里追讎國瘍香烟中見大中端坐於上

驚異汗流因爲僧大中所著有自集同時有沈懋賢者字德臣出金二葉并穀五百餘石給軍督守北城會尹民興遁

迫之不及城陷賢歸題其壁曰空餘一腔血乾坤何處家旋被執死同上謹按

欽定勝朝殉節諸臣錄
恩准入忠節祠

趙初浣

字雪度崇正副榜順治乙酉大兵平江寧浣與邑諸生趙崇雅張載淳趙純仁等迎舊令尹民與據城以

應金聲

城破初浣崇雅純仁及王大新左宜之王日望張一稱張學載俱死同上

張載述

字又彭邑諸生明末見時事孔棘詣江寧三上樞部史可法書陳足食足兵之計語俱切要順治乙酉僭

趙璋等

集兵守城破遁走是年大兵下趙漢載述與其邑貢生魏一桂盡策守蘆後隨永明王於粵西為給事中以阻

孫可望

王封為可望所殺璋字太虞崇正庚辰歲貢莊烈帝臨雍璋抗疏陳時弊溫首採用守城時傾家財賑兵城陷遁

走後仕

闕為兵部郎中閩亡自殺著有芝圃文集塔影亭詩草乾隆府志謹按

欽定

勝朝

殉節

諸臣錄
科給事中吳霖以阻封議為孫可望所殺

賜諡烈愍

嚴道正

字魯脈先為溫州磐山衛經歷陞府審理後改就武途授守備給副總兵劄平安苗有功孔有德攻登

萊與主將牟公守城力戰死子幼以姪德忍監守備據新縣志增

吳之瑜辰州通判流寇昭州城亂兵

萬庚字白叔乙酉城破范雲龍舍卒集眾於城東庚往應之

已得釋蒙師指庚曰此亦曾留者庚呼曰彼是也我非也我將往白門面責洪承疇負先朝建廟維忠之恩耳遂解江寧

與金鋒等同被刑乾隆府志

萬麟字道祥諸生學主程朱闢水西姚江之學值國變遺兄應隆書曰弟任道無力始以一死塞責遂不食死年二

十五據新縣志增

趙崇炫字孟晦諸生鼎卓時雍髮令下自刎死同上

張學載諸生與守城城破被執不屈死同上

鄭繼元四川崇慶衛經歷告歸城破彼執不屈死妾蕭氏亦自刎同上

翟文術

字無術進士知湖廣平江縣流寇起繕城練卒力守孤城請援莫應以憂憤卒 同上

章希熊

廣東潮州府經歷聞兵至城陷死之 同上

國朝汪化熬

字魚君由拔貢生歷陝西漢中府同知吳逆陷漢中偏受偽職不從囚繫踰年自經死藁葬漢中城南祀

名宦子鈞以廕知狄道縣 乾隆府志

翟文進

字國營把總順治十六年海寇犯瓜州文進率兵二百逆擊陣亡 據新縣志增

朱慶錦

永綏協左營守備乾隆三十七年隨征兩金川有功六十年苗亂鎮守鎮總兵明安圖赴鴨西塞勦捕被

困隨永綏副將伊薩納馳救力戰死妻孫氏妾江氏聞訃自縊一門從死者六人事聞

賜恤子

安邦授雲騎尉世襲 同上

寧國縣

宋方致堯

邑之方坑人建炎庚戌戚方寇寧國致堯率鄉兵伏石嶺隘處使其子登山揮幟為號賊至伏發大破之

傷其白馬將賊益兵至致堯中流矢被執脅之降罵曰我豈從賊反耶賊殺之紹興四年知縣李椿年上其事賜諡義烈立祠方坑口祀之

大清一統志

楊義忠

字大書寧國縣吏德祐元年五月元伯顏兵攻寧國知縣趙與穰戰死義忠率眾城守凡六十晝夜七月

中率義兵出戰死贈武功大夫採宋史瀛國公本紀及江南通志合纂

洪文甫

烏程縣尹元末兵變解組歸時紅巾賊起藍木二黨屯丁溪山應賊偪文甫附從不屈扼吭死乾隆府

志

明何通泰

字季貞元末嘗倡鄉兵却紅巾賊後寧國既屬明僞吳兵復攻其壘城陷自刎里人為立祠江南通志

屠紹臯

字士際義英孫崇正元年恩貢八年知湖廣上津縣蒞任數月獻賊圍城竭力守禦城潰被執不屈死

江南通志謹按

欽定勝朝殉節諸臣錄

賜通諡節愍

張鵠字性王為刑科給事中奉國命

欽定勝朝殉節諸臣錄
賜通諡節愍

汪朝維字士張乙酉貢卒焚畧近郊維率眾又斃巨寇旋中

錢文龍舉人應金聲敗死

馮百家胡天球劉鼎甲阮善長阮恒吳太平俱生員應麻三

欽定勝朝殉節諸臣錄以上七人皆蒙
恩准入忠節祠

國朝許士縉字爾明勇敢善騎射由行伍積功歷任廣東副總兵

旌德縣

宋鮑琢剛自好義宣和中方臘寇寧國琢糾義兵擊破之後賊

首以禦寇功補承信郎又明年賊盧進寇涇琢率兵力戰中

石卒大清一統志

周真

字子繼咸淳中奉文丞相天祥劄授本縣尉同邑宰趙時貴守縣元兵壓境力戰死之士人至今廟祀萬歷中

直指唐鍾疏請旌忠建坊乾隆六年崇祀忠孝祠

大清

一統志通志府邑志同

明饒鼎

字象台天啟舉人知蒲臺縣崇正十五年城陷不屈死御史旌其門曰烈尹江南通志謹按

欽定勝朝殉節諸臣錄
賜通鑑節愍

按鼎同死者諸生王晉族人饒見可雍正間旌德令饒萬

鑑題詩有三槐義士盟蘭譜一姓貞操共鐵腸之語

劉統

字君常喬亭人睥目鐵面長身修臂善騎射投監軍道知其將才授守備隨征流賊時江左福王監國拜左總

第兵部左侍郎右僉都御史使北統督秋都司與同官張民佐王廷佐及兵部司務陳用桓游擊王一斌從行俱以不降

誅統妻趙詳烈

女乾隆府志

太平縣

宋王行之

字才仲為婺州上曹宣和三年方臘黨寇婺州守臣皆通去行之曰吾刑官也分當死職遂遇害贈通直

郎
清一統志大

明

李誠

父惟二客蘇州因家焉登元進士除本縣尹遂復本宗時敵饒盜起率兵戰捷陞元帥丁酉納土歸附賜緡衣

銀掩從征江州大呼陷陣死太祖遣官致祭猶子勝原善兵法工詩歌為幕下總管縣志

汪文炳

字炳叔明太祖渡江隨孫安入見授秘書典籤請解稱旨遷都昌知縣陳友諒來攻援絕被執賊欲官之

抗詈而死
志及江南通志台纂

胡泰亨

字仕通習易居南市明太祖下寧國充貢補進士授庫官以親老乞終養洪武初召至金陵答制十二條

上嘉納之適兄臨亨犯法當死泰亨以兄未有子揭請代部奏以義免制耳示法尋召鎮守安南值寇圍城急慨然曰賊勢如此豈可坐因其願潛絕請救夜出城百餘里為賊伏所執搜得請師救書脇之降不屈遂被害後歸葬龍門黃石灘

乾隆

府志

崔守義

山掾吏官湖廣縣尉崇正十六年李自成陷承天
旁畧州縣城破被殺妻胡氏絜幼子扶柩歸縣志

王一斌

崇正庚辰進士
福王監國我

大清兵連破李自成朝議遣兵部侍郎左懋第與左都督陳宏範

太僕少卿馬紹愉通好一斌以游擊從行入都館於太醫院

順治二年閏六月懋第聞南京失守慟哭不降誅一斌與劉

統等俱死

按王一斌死事見明史左懋第傳乾隆府志獨載旌德之

劉統不載一斌今增入

陳易

字有功以字行工書善詩少從父遊河南藩邸識內院
金聲甚加賞契崇正丁丑武進士授杭州府儒學司馬

歸順治二年金陵陷聞休寧左僉都御史金聲糾聚義勇保

績溪黃山分兵扼六嶺有功遂糾集義兵合聲通表唐王授

副將拔旌德寧國諸縣攻石埭陷陣死爵為文祭之

輯覽

謹按

欽定勝朝節節諸臣錄

賜通論節愍

牛論

以材官事左懋第甲申秋左公奉使論隨行十月劄授

肥總十二月劄授千總獎云技勇兼人從行已久勤勞不怠忠義愈堅乙酉夏劄授都司又獎云心存忠義始終不渝閏六月左公及王劉諸公盡節論亦自刎死從行者攜其劄歸標判皆用藍左公有母憂故也子孫至今寶之

按明史左公以三千人護行至張家灣

本朝傳令許百人入都門云云南都沒於五月左公死節於又六月十二日則前六月之劄固無疑也以左公之忠義而牛論見許節概可知惜其死正史無明文不敢直載茲從邑

志補入

張廷豹

字炳文崇禎癸酉武舉人効力巡按麾下以材勇聞後歸值左僉都御史金聲起義績溪廷豹與陳有功

應之有功戰死石埭廷豹退保密崖關關破死

事實冊

崔騰鯉

貢生任松江府學訓導

王師下

各官望風委印走騰鯉集印七端服坐明倫堂兵至被執

主帥重其節諭之曰爾肯降七印惟所擇騰鯉曰吾守死非

守印也

刀鋸鼎鑊惟所命與

其子善生俱死之

同上

孫大錡

由禮部儒士官羅田縣巡檢守要塞流賊攻圍不降

食盡死

逾年家人聞變往尋遺骸白骨縱橫間見臂

間有繫巡檢印者乃載以歸

縣志